

Maghiusa sa pag-atubang sa pasismo ug terorismo sa reaksyonaryong estado

UBOS SA PAGHARI NI MARCOS JR, kulang pa nga nag-antus na sa malupigong kahimtang ang katawhan, gipakuyanap sa reaksyonaryong estado ang pasismo ug terorismo batok sa katawhan pinaagi sa iyang mga reaksyonaryong pwersa nga mao ang Armed Forces of the Philippines (AFP), Philippine National Police (PNP), National Task Force (NTF)-Elcac, ug ilang mga kakonsabo.

Gigamit ang NTF-ELCAC isip institusyon nga naghimo nga kunohay lehitimo ang pagkontrol sa militar sa sibilyan nga mga ahensya sa reaksyonaryong gobyerno. Mipakuyanap kini og mga *civil-military operations* sa mga komunidad sa mag-

uuma. Naghimo sab ang NTF-Elcac sa mga pamaagi sa pagpangilad ug pagpangwaring, sama sa Enhanced Comprehensive Local Integration Program (E-CLIP) aron madani sa pagsurender ang mga sibilyang gidudahan nga mga sakop o tigsuporta sa New People's Army (NPA), ug sama sab sa Barangay Development Program (BDP) nga nagsilbing tinubdan sa korapsyon sa mga opisyal militar ug mga burukrata.

Ang bag-ong gideklara ni Marcos Jr nga Proclamation 404 nga kuno amnestiya para sa mga "kanhi rebelde" nga sakop sa CPP-NPA usa lamang ka malinglahong taktika sa mini nga pag-



pasurrender ug dili kini matinud-anon nga lakang para sa pagkab-ot sa tinuod nga kalinaw.

Sa isla sa Negros, daw guba nga plaka ang mga mersenaryong AFP ug PNP sa hinambog nga istorya nga pildihon ang NPA ug ang tibuok rebolusyonaryong kalihokan karong tuiga. Sa pagpanguna ni Visayas Command (VISCOP) chief Lt. Gen. Benedict Arevalo ug 3rd Infantry Division commander MGen. Marion Sison, walay kinutuban ang ilang pagpangilad ug pagpanglingla sa katawhan aron masustini ang gipanghambog nila nga "hapit nang mapildi ang NPA sa Negros."

Gawas niining hinambog nga istorya, walay hunong ug mas mikusog pa ang pagpang-abusar sa AFP, PNP ug NTF-Elcac diha sa ilang kontra-insurhensyang kampanya. Ang mga sibilyan, kung diin mag-uuma ang mayoriya, maoy nangunang mga biktima ug gipasanginlan nga mga sakop o tigsuporta sa NPA. Kuyanap ang militarisasyon sa kabanikanhan nga nagmugna og grabeng troma ug kalisang sa katawhan. Gihimo sa AFP ug PNP ang mga mangilngig nga paglapas sa tawhanong katungod sama sa ekstrahudisyal nga pagpamatay, abdaksyon, ilegal nga pagdakop, pagpanglugos, pagpamomba, paturagas nga pagpabuto, pagpangulata, pagpanghulga, pagpangharas ug intimidasyon.

Tinuyo kini nga paglapas sa Ikaupat nga bahin, Artikulo 4, Numero 4 sa Comprehensive Agreement on Respect for Human Rights and International

Humanitarian Law (CARHRIHL), nga anaa usab sa internasyunal nga makitawhanon nga laye (IHL): "...ang sibilyan nga populasyon ug ang mga sibilyan trataron isip mga sibilyan ug adunay kalainan sa mga manggugubat, ug kuyog sa ilang mga kahimanan, dili mahimong atakihon."

Dugang pa sa Artikulo 4, Numero 1 niini, "kinahanglang hatagan og pagrespeto ang kinabuhi, dignidad, tawhanong katungod, pangpulitikal nga tinuohan ug moral ug pisikal nga integridad, ug adunay proteksyon sa tanang higayon ug trataron nga tawhanon nga walay diskriminasyon sa rasa, kolor, tinuohan, kasarian, natawhan, sosyal nga istatus ug uban pang susamang kriterya ang mga tawo nga *hors de combat* ug ang walay direktang papel sa gubat."

Diha sa paggukod sa mga pasistang militar sa mga *quota* ug dedlayn, nabutang gyud sa peligro ang mga inosenteng sibilyan tungod gipakaway-bili ang kalainan tali sa sibilyan ug mga Pulang manggugubat.

Niining tuiga, miabot sa 304 ka pagpanglapas sa tawhanong katungod ang nahimo sa mga pasistang pwersa sa AFP ug PNP diri sa Negros, nga mibiktima sa sobra sa 13,117 ka mga indibidwal (131 niini ang mga menor-de-edad). Kabahin kini sa 537 ka kaso sa pagpang-abuso sa tawhanong katungod ug sa sobra 38,834 nga mga biktima sa hugaw nga kontra-insurhensyang gubat sa AFP, PNP ug NTF-Elcac ubos sa rehimeng Marcos II.

Karong 2023:

304 ka bayolasyon sa tawhanong katungod nga gihimo sa mga pasistang pwersa sa AFP ug PNP

13,117 ka mga biktima

131 ang mga menor de edad

Ubos sa paghari ni Marcos Jr sa isla sa Negros:

537 ka kaso sa pagpangabuso sa tawhanong katungod

38,834 ka mga biktima



Nagapasalamat ang *Ang Paghimakas* sa mga kontribusyon nga naghimong madaugon niini nga isyu. Sa pagpalambo sa atong *Ang Paghimakas*, giawhag ang tanang tigbasa nga padayong mo-amot og mga balita, piktyur, istorya ug uban pang sinulat. Mangayo man kami sa inyong mga suhestyon ug komentaryo unsaon pa gyud palambuan ang atong bantalaan.



angpaghimakas@protonmail.com



negrosrevportal.wordpress.com


Sa tibuok nasud:

137 ang mga biktima sa ekstrahudisyal nga pagpamatay ilawom sa rehimeng Marcos II

Sa isla sa Negros:

54 ang mga kaso sa pagpamatay sa diin 38 ang nahitabo karong 2023

Buot pasabot, 4 ang Negrosanon sa kada 10 nga gipatay sa pasistang militar o 3 ka Negrosanon kada bulan gikan sa pagpungko ni Marcos Jr



Sa tibuok nasud, 137 ang nahimong biktima sa ekstrahudisyal nga pagpamatay ubos sa rehi-meng Marcos II. Diri sa Negros, 54 ang maong mga kaso, kung diin 38 ang nahitabo niini lang 2023. Buot ipasabot, upat ang Negrosanon sa matag 10 nga gipamatay sa pasistang militar, o sa laing pagkasulti, tulo ka Negrosanon ang gi-pamatay matag bulan sukad sa paglingkod sa poder ni Marcos Jr.

Pinaagi sa *mainstream* ug *social media*, nag-pakuyanap og mga mini nga impormasyon ang AFP, PNP ug NTF-Elcac sa ila kunohay nga mga kadaugan. Kuyanap ang ilang pagpamakak aron itago ang ilang mga krimen. Sa 38 ka mga biktima sa ekstrahudisyal nga pagpamatay, 11 ka mag-uuma ug walo ka *hors de combat* ang gipagawas nga kuno mga kaswalti sa 20 ka mini nga engkwen-tro niining tuiga. Kini ilang gihimo aron taguon ang ilang mga *misencounter*, paturagas nga pag-pamusil, pakyas nga pagpatay, iligal nga pag-aresto, iligal nga pagpriso, pagpangulata, pag-pamomba ug paglapas sa tawhanong katungod sa mga *hors de combat*.

Labing tataw niining mga kaso ang pag-abdak ug pagpatay sa *peace consultant* sa National Democratic Front of the Philippines (NDFP) nga si

Rogelio Posadas niadtong Abril, pagpusil-patay sa lima ka *hors de combat* (diin usa ani ang 6-ka-bulan nga mabdos) ug usa ka traysikol drayber sa Brgy. Tabugon, Kabankalan City, Negros Occi-dental niadtong Setyembre, ug ang pagpatay sa magtiayong mag-uuma sa Brgy. Canlusong 1, E.B. Magalona, Negros Occidental niadtong Oktubre.

Sa pikas bahin, walay kaulaw nga gipahid sa 94th IB ngadto sa NPA ang ilang brutal ug ma-pintas nga pagpatay sa pamilya Fausto (ang magtiayon ug ang ilang duha ka menor-de-edad nga anak) didto sa Himamaylan City, Negros Oc-cidental niadtong Hunyo. Apan dili mailad niini ang katawhan, tungod mga biktima sa pag-pangharas sa 94th IB ang nahisgutang pamilya, sa wala pa sila gimasaker.

Midaghan ang mga kaso sa pagpang-abdak sa mga sibilyan niining tuiga. Padayon nga gi-pangita sa ilang pamilya silang Lyngrace Mar-turillas ug ang duha ka drayber sa habal-habal, nga mga kuyog ni Posadas nga gipang-abdak ni-adtong Abril. Responsable usab ang militar sa pagdagit kang Deah Lopez sa Sipalay City, Negros Occidental ug usab, sa pagpatay sa iyang kauban nga drayber sa traysikol niadtong Setyembre.



Kuyanap ang militarisasyon sa mga komunidad sa kabanikanhan ug kontrolado sa militar ang paglihok sa katawhan. Pugos silang gipagiya sa mga operasyong militar. Nakasinati sab sa pagpangulata ug iligal nga pag-aresto ang mga mag-uuma, ug gibutang-butangan sila og mga kaso sa mga reaksyonaryong pwersa sa estado. Karong tuiga, 24 ka mag-uuma ang iligal nga gidakop sa pasistang militar, ug pito niini mga *senior citizen*. Ang mga bulan sa Hulyo ug Agosto ang dunay labing daghang pagpang-aresto sa mga mag-uuma.

Nabutang sa peligro ang kinabuhi sa katawhan tungod sa pagpanaka-saka sa militar ug pagpangransak niini sa ilang puy-anan ug iligal nga pagpanguha sa militar sa ilang mga kabtangan. Apektado ang panginabuhian sa mga mag-uuma tungod sa dugay'ng pag-istar sa militar sa ilang kabalayan, eskwelahan, kapilya, *tribal hall* sa mga *Indigenous People*, mga *gym* ug barangay hall.

Sustenido ang pagpangharas ug pagpang-redtag sa mga tropa sa 94th, 15th ug 47th IB sa mga sakop sa mga asosasyon sa mag-uuma sa Kabankalan City ug Cauayan, Negros Occidental. Mao usab ang ginahimo sa 11th IB sa mga organisasyon sa mag-uuma sa Sta. Catalina ug Siaton sa Negros Oriental. Sa norte nga bahin sa Negros, biktima usab sa pagpanghilabot o direktang pagkontrol sa 79th IB ang mga kooperatiba sa mag-uuma. Iligal nga gipang-aresto ang mga lider-masa ug gibutang-butangan og mga kaso.

Sa kasyudaran, gipang-redtag ug gipang-sarbeylans sa mga pwersa sa reaksyonaryong es-

tado ang mga aktibista, kabatan-onan-estudyante ug progresibo nga han-ay sama sa *community workers* sa Paghidaet sa Kauswagan Development Group (PDG).

Ang paglunsad sa Retooled Community Support Program (RCSP) sa mga komunidad sa kabanikanhan kabahin sa *triad operations* sa AFP nga naghimo sa pagpaniktik sa lihok sa lumulupyo, ug usab pagpangilad kanila. Aron mahimong suod sa mga residente, ilabina sa mga kabatan-onan, naglunsad ang 94th IB og mga bayle ug liga sa Himamaylan City. Apan luyo niini, naghimo sila'g pagpanghimulos, ilabina sa kababayan-an. Gani, biktima sa pagpanglugos sa nahisgutang militar ang duha ka babaye (diin usa nila ang menor-de-edad) niadtong Agosto.

Karong tuiga, walay kukaluoy nga gibiktima sa mga operasyong militar ang mga bata. Labing tataw niini ang pagpatay sa duha ka menor-de-edad nga kabataan sa pamilya Fausto. Si Marx Cairo Salino, anak sa magtiayong Pulang manggugubat, tulo na ka tuig nga *hostage* sa pasistang 79th IB, ug tua pa gihapon sa kustodiya sa Department of Social Welfare and Development (DSWD) sa Escalante City, Negros Occidental. Sa southeast nga bahin sa Negros, padayon nga gipangita sa 11th IB ang usa ka anak sa NPA, ug gipatungan og *reward money* ang bata.

Daku nga kalapasan sa internasyunal nga makitawhanong balaud ang dili pagrespeto sa katungod sa mga kababayan-an ug kabataan. Sumala sa Declaration on the Protection of Wo-

men and Children in Emergency Conflict sa United Nations General Assembly niadtong Disyembre 14, 1974, giila nga krimen ang "tanang nga porma sa pagsumpo ug mapintas ug dili makitawhanong pagtratar sa kababayan-an ug mga bata, lakip na ang pagpriso, pagtortur, pagpusil, dinaghang pagpangdakop, kolektibo nga pagsilot, pagpangguba sa puy-anan ug pinugos nga pagpabakwit, nga gihimo sa mga pwersang *belligerent* (o pwersang nagalunsad sa gubat nga nagasubay sa internasyunal nga balaud ug makitawhanon nga kondukta sa pakiggubat) sa dagan sa mga operasyong militar..."

Gigamit sa rehimeng Marcos II ang pasismo ug terorismo batok sa katawhan aron panalipdan ang nagharing hut-ong. Sa pagpa-itoy-itoy niini sa imperyalistang US, dugang nga gipursigi sa rehimen ang mga *neoliberal* nga gimbut-an nga nagpabor sa interes sa mga dagkung kumprador ug dagkung agalong yutaan, sa pakigkunsabo sa mga burukrata kapitalista. Kuyanap ang pagmina sa kabukiran, pagpangilog og yuta pinaagi sa reklasipikasyon ug kumbersyon sa mga kayutaan, reklamasyon sa mga kabaybayonan, ug pribatisasyon sa mga pangpublikong yutilidad, ug uban pa.

Ang metodikal nga paggamit sa kapintas aron panalipdan ang pang-ekonomiyang interes sa nagharing hut-ong ug sa amo niining US, usa ka tataw nga kinaiya sa himalatyon nga nagharing sistema. Sa paggrave sa krisis, gidahom nga mas mosamot pa gyud ang krimen sa reaksyonaryong

estado, ilabina nga nagaandam ang US og gubat tali sa imperyalistang kaatbang niini nga China.

Kinahanglan nga hiniusang atubangon sa katawhan ang pasismo ug terorismo sa reaksyonaryong estado. Kinahanglang ibutyag ang mga brutal nga krimen sa AFP, PNP ug NTF-Elcac, ug batokan ang militarisasyon sa kabanikanhan. Angayang iduso sa katawhan ang ilang tawhanon ug demokratikong katungod aron mahunong na ang kultura sa impunidad, nga maoy sistematikong ginahimuslan sa AFP, PNP ug NTF-Elcac. Kinahanglang ipanawagan ang pagwagtang sa NTF-Elcac ug pagbasura sa Memorandum Order 32 ug sa Anti-Terror Law. Kinahanglang batokan ang mga proyekto nga makadaut sa kinaiyahan ug makaguba sa panginabuhian.

Kinahanglang ipanawagan ang subling pagpabalik sa negosasyong pangkalinaw tali sa NDF ug Gobyerno sa Republika sa Pilipinas (GRP). Aron makab-ot ang makatarunganon ug malungtarong kalinaw, kinahanglan nga magmatinudanon sa pagsulbad sa mga gamot-hinungdan sa nagtunhay'ng armadong panagsangka sa nasud.

Sa samang higayon, kinahanglang pakusgon sa NPA, ubos sa pagpangulo sa Partido, ang gubat sa katawhan, kuyog ang masang gidaugdaog ug gipahimuslan. Kinahanglan nga mahimong mamugnaon ug pursigidong iduso ang armadong pakigbisog, rebolusyong agraryo ug pagtukod sa baseng masa aron atubangon ang mihait ug desperadong pagpangataki sa reaksyonaryong estado. **AP**



2 ka mag-uuma, gipatay sa mini nga engkwentro


SA BULAN SA NOBYEMBRE, DUHA ka sunod-sunod nga mga mini nga engkwentro ang gihimo sa mga tropa sa AFP. Duha ka mag-uuma ang gipamatay sa 15th IB ug duha ang iligal nga giaresto sa 94th IB subay sa mga pasangil nga kuno mga sakop sa NPA ang mga biktima.

Brutal nga gipatay sa mga tropa sa 15th IB sila si Warren Cadarin ug Jovy Moreño sa Sityo Cadarin ug Jovy Moreño sa Sityo Cambaga, Brgy. Yaoyao, Cauayan, niadtong Nobyembre 7. Gipagawas sa maong militar nga mga NPA sila nga napatay sa engkwentro.

Gi-abdak si Cadarin sa mga sundalo sa 15th IB, sa dihang nanguling siya sa ilang lugar sa Sityo Indangawan, Brgy. Manlucahoc, Sipalay City, niadtong Nobyembre 4. Pagkasunod adlaw, nangayo ang iyang pamilya og tabang sa barangay ug sa usa ka lokal nga istasyon sa radyo. Nakurat na lamang sila sa dihang gipasanginlan si Cadarin nga usa ka NPA nga namatay sa kuno engkwentro sa lungsod sa Cauayan. Samtang, si Moreño usa ka yanong mag-uuma nga taga Brgy. Agboy, Candoni, Negros Occidental.

Sa ikaduha nga insidente, Nobyembre 8, alas 8:00 sa buntag, nagpataka og pabuto sulod sa usa ka oras ang mga sakop sa 94th IB didto sa suba sa Sityo Pisok, Brgy. Buenavista, Himamaylan City. Gipagawas niini nga ilang nakaengkwentro ang mga NPA sa maong lugar.

Apan, imbis nga engkwentro, gipangdakop sa 80 ka mga sakop sa 94th IB sila si Joel Casusa, sobra 40 anyos ang pangidaron, ug si Jenny Radles, sobra 50 anyos ang pangidaron, ug gipangdala ang duha sa kilid sa suba sa nasambit nga sityo. Gi-interogar ug gihadlok sila sa



maong mga militar. Kanhing tsirman sa Kauswagan sang Mangu-nguma sa Barangay Buenavista (KMB) si Casusa, samtang aktibong sakop sa maong asosasyon si Radles. Ikaduha na ni nga higayon sa pagdakop kang Casusa sukad 2019. Na-dismiss ang butang-butang nga kaso batok kaniya tungod sa kakulang sa ebidensya.

Sa Central Negros, gipang-saka niadtong Nobyembre 13, sa mga tropa sa 62nd IB, ang tagsa-tagsa ka balay sa duha ka pamilya sa mag-uuma sa bukiron nga barangay sa lungsod sa Binalbagan, Negros Occidental. Gisuspetsahan sila nga mga tigsuporta

sa NPA.

Pugos nga gisulod sa usa ka platun nga pwera sa 62nd IB ang balay ni Maximo Cañete sa Sityo Tangkuban, Brgy. Amontay. Gikumpiska ang ilang *handheld radio* ug selpon. Gihadlok sila nga patyon kung dili motug-an sa nahimutangan sa NPA.

Sa mao gihapong adlaw, pugos nga gisulod ang balay ni Melvin Vilando sa Sityo Omot, Brgy. Santol, ug gipaangkon sila nga nagasuporta sa NPA.

Samtang, pugos nga gipagiya si Carlo Garde, usa ka mag-uuma, sa mga operasyong militar sa 62nd IB sa lugar.

Ingon man, miabot sobra sa

150 ka tropa sa 62nd IB ang gipahimutang sa Guihulngan City ug Vallehermoso, Negros Oriental, ug sa La Castellana, Negros Occidental. Gipangsaka sa maong mga militar ang kabalayan sa mga mag-uuma, gipang-imbistigar sila kalabot sa presensya sa mga NPA, ug pugos nga gipaangkon nga mga sakop o tigsuporta sa NPA.

Gihimo kini sa mga sakop sa 62nd IB niadtong Nobyembre 21 ug 22 sa mga sityo sa Banderahan, Amumuyong ug Cambaogon sa Brgy. Trinidad; mga barangay sa Calupaan ug Hilaitan, nga pulos mga sakop sa Guihulngan City. Mao gihapon ang gihimo sa mga militar niadtong Nobyembre 23 sa Sityo Mampayao, Brgy. Malangsa; sa Sityo Mapun-as, Brgy. Guba, ug Brgy. Molobolo, nga tanan sakop sa lungsod sa Vallehermoso; ug ang mga sityo sa Brgy. Mansalanao, La Castellana, niadtong Nobyembre 27.

Niadtong Nobyembre 24 kutob 27, gipangpuy-an sa mga sakop sa 62nd IB ang mga eskwelahan ug kabalayan sa mag-uuma sa Brgy. Basak, Tacpao, Bulado ug Binobohan, nga mga sakop sa Guihulngan City, samtang gipuy-an sa mao gihapong militar ang barangay hall sa Brgy. Mansalanao, La Castellana, niadtong Nobyembre 27.

Duha ka higayon nga giadtoan sa mga sakop sa 62nd IB ang pamilya Garsula sa Sityo Patag, Brgy. Riverside, Isabela, Negros Occidental, niadtong kagab-ihon sa Nobyembre 23, ug usab, sa buntag sa Nobyembre 24. Gipasanginlan sila nga mga tigsuporta sa NPA.

Sa unang insidente, nakasibilyan ang mga sundalo sa 62nd IB ug nagpakaaron-ingon nga mga NPA, ug gikumpiska gikan sa maong pamilya ang P2,000 nga kwarta. Sa ikaduhang insidente,

giransak sa maong militar ang gipuy-an sa pamilya Garsula, gipang-ukay ug gipanguha ang ilang mga gamit, lakip na ang wala matino nga kantidad sa kwarta.

Sa lungsod sa La Castellana, hapit dili na makalihok si Dondon Dandoy, usa ka mag-uuma, human kini gikulata sa mga tropa sa 62nd IB, niadtong Nobyembre 29 sa buntag, sa Sityo Buragwak, Brgy. Manghanoy, sa mao gihapong lungsod.

Pugos nga gisaka sa mga sundalo sa 62nd IB ang puyanan sa mag-uuma nga si Junior Mohaya, usa ka *senior citizen*, niadtong Nobyembre 29, sa Sityo Mandayao-4, Brgy. Kamandag, La Castellana. Sa mao gihapong adlaw, nanakasaka sab kini sa mga kabalayan sa mga mag-uuma sa proper sa Brgy. Budlasan, Canlaon City, Negros Oriental. *RP*



Bayani sang Rebolusyon

ni Ka Reb Malaya

Ginakabig nga mga baganihan sang katilingban
Bangud sa ila kinaalam kag kapisan
Paagi sa pagtikad sa lapad nga kadutaan
Mabuhi ang pumuluyo sa bilog kalibutan.

Sa ila kusog pangabudlay nakasandig, pag-uswag sang katilingban
Para ekonomiya sang pungsod, may kauswagan
Sa sina, ang pangabuhi may kasulhayan
Kag indi mag-antus sa gutom ang katawhan.

Sila ang sahing mayorya sa katilingban
Ginakabig bilang pwera nga sandigan
Mga mangunguma nga ginpigos kag ginhimuslan
Sang sistemang malapyudal kag malakolonyal nga katilingban.

Ang ini nga sistema, amo ang nagapaantus sa ila
Sa malawig nga panahon, nakagapos sa kadena
Sa duguon nga kamot sang agalon may duta
Nga kakunsabo ang dalagkong kapitalista.

Apang kadenang gapos, handa nga bugtuon
Para lang nga makaluwas sa pagkaulipon
Batok sa reaksyunaryong estado nga hakog sa
gahom
Labi na sa agalong may duta nga mga sakon.

Apang mangunguma, maisog nga nanindugan
Handa ipakigbato, duta nga pangabuhian
Namuklat, nag-organisa kag nagmartsa
dululongan
Agud demokratikong kinamatarung sa duta,
pakigbatoan.

Imbis duta nga ulumhan, nangin biktima sang
militarisasyon
Gamit ang militar, ginwasak, napundar nga
progresibong organisasyon
Nangin biktima sila sa pagpangsalbeyds,
abdaksyon
Kag pagpangmasaker sa sibilyan, sang mga walay
balatyagon.

Agud tabunan, kasal-anan kag kabutigan
Gipalapnag na NPA kuno ang target sang mga
pasistang butigon
Pamilya sang biktima, pilit nga pasugiron
Sa mga imbento nga estorya batok sa
rebolusyonaryong organisasyon.
Apang indi mintras magpadayon ang ila
kalakasan
Kusog sang mangunguma, handa makig-away kag
manindugan
Ipakigbato ang tunay nga reporma sa kadutaan
Kag pagwasak sang pyudalismo sa kaumahan.

Sa diin paghari sang monopolistang agalon,
kumprador, wasakon
Ibasura ang liberalisasyon sa agrikultura nga
mapang-ulipon
Pinaagi lamang sa pagpasulong sa armadong
rebolusyon
Halin sa kaumahan pakadto sa kasyudaran nga
pagpasulong.

Mga mangunguma, bayani kamo para sa
demokratikong rebolusyon
Nagapangunang pwersa para kahilwayan
maangkon
Katimbang ang mamumugon sa pagpundar sang
pungsodnon industriyalisasyon
Agud sosyalismo nga handom, maangkon sa
palaabuton. *RP*

